

續修慈利縣志

卷之三

山川五

城池六

津梁七

公署八

煤窰之例酌量變通凡出資採黃之人每年開洞先赴縣  
送呈將承辦幾人姓名住址開載明晰出具不敢窩匪並  
遵完鹽稅甘結方准入山設廠應歸山主山價按成分給  
毋許佔爭其廠內工夫照編查保甲之法或十人或五十  
人設一夫頭以資約束由該縣發給印簿令承辦商人將  
工夫姓名籍貫登載簿內彙報石慈兩縣查考外來奸匪  
不准混入倘查有容留情事仍將商人分別懲處如此明  
定章程是以本地之民開本主之山可無貧民失業之患  
以本山之主招本地之客亦無來歷不明之患以本地之  
客募本地之夫更無稽查難周之患名雖開禁實則立禁

山川

天地之精英皆融結於山川江漢之流秀所山  
者萃之於人其小者洩之於物實有山賦

皇朝景運焉慈邑為楚極邊地山則上接蜀黔下睽常澧  
川則瀟江北匯澧水西來亦神臯奧區也今者惡溪  
毒崗悉化為衣冠文物固無取夫巖關作鎮天塹誇  
雄矣然而層巒疊嶂孰宜墾治邃洞清泉孰宜灌溉  
撫茲流峙搜羅殊不能盡故特取其尤著者備錄之

志山川

歷山考

昔人尋漢源謂自歷山始誤矣蓋歷乃栗之誤皇甫公已辨之夷考栗山有二明時皆屬蠻獠至雍正年間始獻土歸流一屬桑邑為澧之源一屬鶴峯州治綿亘數百里山腰微坦有田數十畝土多栗樹大者數抱小者數把土人云當開墾時有銀鑛今已崩覆南與天仙對峙壁立萬仞水出其間憑眺者莫不謂漢水發源於此至山之枝幹錯雜固未易竟其原委也

葛山澧州志慈利舊志據山海經葛山澧水出焉因云山在大庸西南極隘又漢書及水經歷山澧水所出復云在縣西二百二十里今割慈利為永定縣遍詢諸人兩山竟

無知其名者然水經所稱歷山在武陵充縣西充為慈利所分也山當在慈境若山海經所稱葛山又不當在慈也

一都

五雷山 卽大維山在縣東三十里半屬一都半屬二都高峯聳翠屏嶂環列屹然為一邑鎮頂祀真武有碑

頭巖虎踞石會仙橋星子山又有自生寶塔二石竈石林石案筆架峯香爐峯蠟燭峯諸勝元翰林張

有記稱傳明太祖卽真召張克赴京仍賜原銜回道經澧州會華王鑄真武像一座憾無名山供奉

其言大維山形勢王遂借克登山制建金頂鐘鼓自

佳觀字釋煌華王敬一為文勒碑碑字已磨滅一

常德家王建廟華王助修後因雷掃其殿鐘鼓自

塵埃自淨故更名五雷又名雷岳每年八月開門

方朝者衆明人題以八景邑紳印司奇關士奇及

清宦戴君思劉可訓有詩今俱失餘載藝文

二都

赤松山

縣東十里相傳赤松子隱居處今名真人山一云王文琛生至正間明永樂二年成道上昇此其修

煉處也山一名雲窩上立普濟雷壇成化知縣潘清祈雨有應鑄石建祠後北近監生王耳山輩新建廟

二間一祀文昌一號真人廟餘詳仙蹟

瓊雲山

縣東南四十里高屏障天羅列數十里踰山有鹵泉元翰林楊朝借王天祥登山有詩載藝文

兔座山

縣東二十里形如兔坐上有松泉濺沫如珠長流不竭

仙人峯

縣東三十里楊朝王言嶽有詩

觀音座蓮山

縣東四十里下口灘岸北以形似名

顧公寨

有廟祀顧公元帥康應瑚有傳載藝文

何家寨

在五雷山前

遶家寨

三都

七姑山

在縣西南三都一區崇巒傑出俯視羣山上七姑仙女祠相傳姊妹七人於此成仙一說上應七

姊妹星得名詳古蹟仙蹟

黃石山

在縣南三十里俗名黃巖觀石壁色黃有穿巖風洞諸勝

星德山

在三都一區與桃源接壤舊志名星子山誤

鑼鼓崗

在上三都相傳有石鼓自鳴一名金鼓巖

雷雨埡

在七姑山西三四都交界之所兩山夾拱僅容一車路勢險峻其石級石欄係注之大指修

蛇兜埡

在七姑山南三四都交界之所路通黃市勢亦陡險旁一徑名十八紐下有泉可灌田數百畝

桃埡

在三都東南去埡口四里許慈桃交界所

卓兜壇 在三都東南路通黃市

洞坡 在縣南三五都交界之所下有泉灌田數百畝

蟠桃洞 在七姑山廟下有周樸碑記詳古蹟

蓮花洞 在金雞殿上詳古蹟

河上洞 在螺獅嶺下灌田數百畝

楠木洞 在董家山灌田數百畝

巖漿洞 在遮日山灌田數百畝

棺木洞 在黃沙坪洞內有石如棺灌田數百畝

金鼓巖 在下三都塘汎下

四都

騎龍山

五都

筆架山 縣東五里濃澧零溪三水環流山下雙峯秀峙形似筆架故名

屏峯山 縣東五都疊翠如屏四時一色

羊角山 在縣治前正南形似羊角故名雲起山谷即雨下有廟祀陽适神詳寺觀

白雲山 在紫霞觀後時有白雲覆之故名

寶珠山

郝家山

趙判巖 縣南鐵爐壩有洞深邃中有石龍吐水石田自成坵畛異草奇花四時秀麗相傳昔趙姓某棄官隱

此因以得名

千里巖 在縣南登其上一日千里

燕子洞 縣南三里崗門如城甕門首鑄燕曲二字係宋端平元年周如濂書進不數武便寬平兩傍似羅漢

像秉炬入螺旋蜂窩層見叠出進數十步又題飛昇品三字係明進士於越季繁書又書五雲深處四字

係大清康熙庚子歲廸齋丁世德題行里許豁然開朗透光如月有倒垂觀音石鐘石鼓又一孔伏入夏

軒豁有石獅石象石麥石田小豆米麻肖甚過此則深遂莫測所至相傳通桃源崗門左小洞與大洞通

鴉雀崗 在浸水埡旁相傳內有二石鴉雀雀下有二石杯可占晴雨杯中水盈主雨涸主旱今已閉塞矣

雷公崗 一在羊角山一在道人山值陰雨雷聲隱隱從洞中出

浸水埡

馬家埡

六都

飯甌山 縣西十里形如甌故名又飯甌巖在九都

金剛山 下有七眼泉又有魚泉上建南嶽宮

觀音山 在長潭河

魏雲山 縣西三十里宋仁宗勅賜建觀於上石柱猶存詳古蹟上列八景

石柱凝翠 丹白晨米 仙橋烟鎖 萬家烟波 古洞鐘聲 龍石雲飛 姊妹供佛 鷄形峻嶺

金錢巖 在縣西五十里山羊過形似金錢鋪石上

將軍巖 在康家坪半山挺出高數十丈上有碁局石子字跡朗然

白龍洞 在成谿峪

青龍寨 明末土人練團於此以禦流寇

響洞埡 人行其上足音聲如鐘聲

續修志列縣志卷之三

山川

五

七都

掇旗山 在南山之西相傳昔有雷將軍屯兵於此建旗山巔頂有古刹額曰雲霞禪林

九渡山 縣西南三十里山下有九渡溪清水潭仙人石樓詳古蹟

鹽包山 上有廟距鹽市數里生草可編為鹽包故名

鹽市 中極平濶三面皆峻嶺一面距大河往來惟古洞溪一路內有鹽地其井水可煮為鹽今廢

獅子巖 在牛頭山對面有大石獅頭目宛然背脊草苔紛披清風偶拂毛鬚活動

五音巖 一名五嬰孩在牛頭山三峯之尾有飛沙五里坡之名山上五峯森立俱高文餘如五嬰孩中有廟

名五音神 祀五音神

觀音崗 在零山寺山半上有蓮台山洞內有大士像兩壁有二小洞一嘘風一噴雨里人祈禱輒應後無故

自封下有小洞洞口兩大石擊之成鐘鼓聲進百餘步透一穴天光照石磴上如樓窓然或云與上洞通

內有深潭水聲潺潺潛行洞底一出白羊壩一出何家壩灌田二千餘畝

白水崗 在南山東共水自山壩洞口噴出高千仞下垂溪澗彷彿廬山瀑布

朶水崗 在南山坪口大如斗春夏能瀉衆水崗中有石笋倒生石蓮花又有巨人跡平沙作田頗為奇觀

牛頭寨 即前志零陽山三峯中之第一峯也巉巖突兀以形似得名他草不生獨生莎草土人取以索綯以

為牛 毛云

八都

巖老山 多奇石遠望其形若蚌

香爐山 高數十丈頂有廟白雲嘗覆其上又九都亦有此山

天竺山 有自生石觀音座前有石柱下有石杯水滴其中飲之可療百病今有廟衆姓公修

五獅山 即天馬山山巔有石獅五形各別上建廟下有井天旱不竭

金仙山 山極高峻上有古廟廟後有井水向上出經旱不涸又有龍頭石高二丈許

傘張崗 泉自崗脚湧出洞門宏厥奇狀甚多禱雨有驗灌漑不下數千畝天旱水愈大

白馬巖

胡泉崗 在天竺山灌田數千畝即今天門泉

絃歌崗 在姚溪可容數百人旁一穴隱隱聞絃歌聲人不敢入

仙女崗

丁角寨 在丁家廬相傳昔人避兵處石碓石白尚存

九都

零陽山 零水所出俗名牛頭寨又名洪家源頭綿亘二十餘里高峯羅列頂建祠祀真武祈禱輒應詳古蹟

毫末山 上祀真武不設鐘鼓相傳擊鐘鼓則常却城圯

雲朝山 縣西南八十里相傳明張邈遜隱卧所孤峯壁立如天門頂祀真武其前諸峯狀列石鑪石餅石燭

二石香三卦子山各高數十丈又有仙人床大馬山獅山象山魚山石旗石傘諸勝又有斷山礮至山頂

通計石磴一百一十五級

象山 在長潭形如象石于瀋落皆白色如象毛然

太平山 距城西一百八十里高與天門天羅同西顧永邑南控沅陵俯視羣山上有廟祈禱輒應按九谿城

內亦有此山

天福山 高與天門山齊上祀祖師文昌觀音祈晴禱雨如響斯應有斷山礮自生石磴自生清泉井常不竭

又有石樓石室頗寬厥相傳居民嘗避兵亂其中掘得確磨銅器古錢等

香爐山 高聳如香爐上建祀觀下有金鷄崗深數丈雞形宛然嘴時滴水以為早雨徵

龍泉山 縣西南六十里上祀真武禱雨甚靈下有車星崗相傳有金杯石箸一席欲借虔禱旋置洞口後因

盜去一杯遂封其  
洞今遺跡宛然

老人巖 在與狗渡山對立如老人狀義渡因以得名

白鶴巖 在渚溪口山後生白石如鶴形離城一百一十里

蟠桃崗 縣西南零溪發源處山半有崗洞有三竅如城門莫測所至祈雨立應按七姑山亦有此崗詳古蹟

羊角崗 縣南五十餘里內多石笋

龍眼崗 在龍潭河一東一西相傳內有靈犀

白鶴崗 縣南七十里永屯所洞水一現即伏至黃金坵始出灌田十餘里

龍巖寨 明朱思濟據此征覃屋處

穿天寨 縣西南百里石壁數十丈中有石崗濶五丈長里許崗內有石楊柳蚌殼泉石田八十餘坵泉水注

之又有摘星樓三層皆生成石級頂有小孔微露天光若衆星然

符竹寨 高約五十丈上有雞公巖

十都

十一都 俱撥入永定縣

十三都

十四都 半撥永定半撥桑植

十五都 半撥桑植

十六都 全撥入桑植

十八都 全撥入比鶴峯湖

十七都 全撥入比鶴峯湖

青佛山 壁立千仞上有古廟

三仙山 上有古廟

天柱山

太平山 上有廟 祀真武

麻阜山 在麻寮所西山多空 窟能觸石生雲致雨

滴水巖 高五六丈大十餘丈水 一縷自頂出旱乾不絕

兕牛巖 在望月坪中有巨石如兕牛 古傳兕牛望月故名其地

接石巖 高四五丈周十餘丈頂一石若別徙者相傳明翰 林楊翰屋基傾陷地龍脫走土人於此巖相望不

及復壘石以補之其下有 廟祀公安大神碑誌其事

冷晴巖 古塘路

響石 在魯陽溪北大山 上扣之聲若鐘鳴

乾崗 在十五七都之間形 若鍋山水盡瀉入之

厠門崗 內多怪石如松柏傘蓋虎豹狀又若 人形坐者立者沙上常有男女足跡

和尚崗 內一石俯首跌 坐形如和尚

喚狗崗 中有水滴 聲如昔狗

龍門崗 相傳昔人避兵於此有 人掘得古劍其色班爍

十九都

筆峯山 九谿城東十五里二十二都諸山皆團頂 惟此山秀削如筆高六七里俗名大尖山

鳴鳳山 九谿城東壘許相傳有異鳥 鳴其上旁有仙侶洞出谷亭

翠峯山 九谿城南十二里竹 木陰濃蒼翠欲滴

太平山 九谿城內興國寺 後山頂寬平故名

癩子山 九谿城北門後突起微凸石多似癩

馬頸山 九谿城西草木之利軍民共賴

虎頭山 九谿城東五里其山石崩主營員不利

屏山 九谿城東教場坪上變態靡常遠望如屏

麻山 九谿城南十里又麻寮所有此山

印台山 在茅花界西前志載明翰林楊翰故居未知是否

紗帽山 在茅花界上山似紗帽故名相傳明翰林楊翰世居其下石柱遺蹟尚存

了角山 在茅花界下大山下峽中突出圭角高數十丈上有大佛寺

廣埡山 山出煤炭產錦雞修尾數尺文采可觀

雲台山 在二十都十九都二十一都三都交界處前有玉印寨後伏金龜頭頸斑甲如生

風雨輒聞笙簫鼓樂外有鳳鳴山白馬泉每數十年發潮洗洞河水頓添數尺

龍門洞 九谿城西三十里修長如管玲瓏微坳如蜂窩蟻穴入里許有石形如獅舊名獅洞以在魚鯉灘旁

因更其名

黑洞 九谿城西十里人烟稀少僅此一洞往來樵夫皆憩息於此內甚黑黯故名

聯環洞 九谿城十五里兩洞相聯一南開一西開故名

穿洞 自野牛湖來合魚羊泉入魯陽溪南入濩為九谿之一其水常濁清則主旱

邱道城

索口寨 在潦溪

二十都

雲台山 上祀真武有自生石龜

白文峽 係九水通衢詳古蹟

清水洞 門壁高丈餘水從洞出清如醴染莫測其際洞旁一孔土人相其地勢輒以半竹接水灌田數十畝

二十一都

拆巖坪 石壁四圍僅開一拆中有小岑竹木蔭鬱禽鳥棲鳴南薰獨拂大有仙致上有香山寺祀張真人

二十二都

雷打巖 山頂石大如屋因雷擊飛擲平地相傳其地有金銀鏤雷故以石封之

滴水巖

夾耳巖 在龍館坪

仙游洞 在蓮池河一洞門高三丈許石壁內有自生五色長虹及石塔一石娘娘各奇狀對面一洞尤高拱門有

石柱名將軍柱

天台山 青峯聳秀高出羣山

神道尖 白石秀削壁立萬仞腰係黑白石各一片如神端坐鼻間白痕一線將晴則白將雨則黑

黃巖尖 上有寺名鳳仙山勢極高登其頂諸山皆小

長青峰 九谿城東對河古松甚多鷹鷓恆宿於此又名鷹子凸

紫駝峯 九谿城北門後十里常有紫氣結成駝形故名

游鹿峯 白石西插雲際當年鹿游其處

插旗峯 與游鹿峯連如插旗之首

天星峯 旁有埡名天星埡

馬鬃嶺 九谿城北高崖壁立兩旁如削嶺上路僅一線形似馬鬃故名

茅花嶺

彌勒嶺即茅花界之西山

茅花界九谿西北八十里其來最遠與桑邑接壤產出煤灰鐵

望洋堞在兩溪交會處有古刹僅存遺蹟禱雨即應

接山巖在茅花界山麓小石巖犬石巖約六七層高數十丈上有仙人跡中有洞

關門巖九谿城西門灘有巖若關門然石工鑿破方通舟楫

吼巖頭在九家坪突生巖凸其形吼上建文昌閣王爺殿

仙人巖在金藏河中高丈許圍十餘丈會發茶水濟人名曰魚王大神

和尚巖形如僧有兩耳為樵夫摘落前有木魚山老虎口

梯子巖山高萬仞無路可登士民作木棧以通往來

仙沼洞九谿城東里許高二丈濶四丈洞外碧水帶紫清山戟暨九谿一小洞天也內有仙人橋卧龍潭值

二十三都

三悟山山有三泉自石眼出有龍洞一日三潮湧出丈餘

香爐山以形似名按此山有數處

羅金壩去賭力巖咫尺不數年土人拾金或拾銀一次數兩數十兩不等

月亮巖形如弦月故名

黃牯巖距回頭山不遠形似黃牛

踏力巖踞河濱兩石並峙似人形相傳仙人賭力故名

九折坡縣北二十五里坡高三里許山險峻路崎嶇管盛典倡首捐修遂於山麓募建石橋一座今成康衢

星子洞在通津橋畔洞中可容數百人有石瑩然以火照之衆星燦爛水自洞出一名水簾洞

風洞與星子洞相近其旁有穴風出可占歲之豐歉

二十四都

道人山 縣北十里有石高五丈形如黃冠道人面南立故名

秀峯山 縣東十里卧龍灣岸北有七里秀峯祀公王詳寺觀及祥異志

灑珠山 縣東北二十里泉自懸崖流下濺沫如珠

觀音寨

填補二十四都

黃龍洞 在縣南百里許高二丈濶丈許人莫敢入

枇杷洞 與桃邑連界內有石堂上下左右如砥又有石鐘石筍石太極圖諸勝

和尚洞 在縣南七十里內有石和尚一座故名

二十五都

星子山 縣東十里高聳如塔有石瑩然纍纍似列星端峙筆架山外為一邑華表拔星子山在遺筆溪其一

名星德山在三都慈桃交界處前志云星子山有二誤

九龍山 縣西北五十里東連范丹山有廟祀大二三神旁一池水不涸後有神仙洞前有天心堰三面環繞

范丹山 丹嘗隱此故名上有廟祀如來

廻頭山 山勢自九谿營城後東向綿亘數十里忽向西廻抱九谿故名

月山 形如半月故名

寶珠山 在官屋坪形如圓珠高十餘丈上有雷公廟前後兩溪水俱會山麓焉

三鶴山 一名三台山

尖峯洞 山名非洞名平地聳立草木青葱山色韶秀

犀角尖 在喝堡溪高聳雲表絕頂平地半畝僅容一廟祀真武



水澧水出焉東流至餘澤其中多珠鱉魚其狀如肺雙目

六足有珠其味甘酸食之無腐漢書地理志曰歷山澧水

所從出東至下雋入江過郡二行一千二百里按今巴陵在漢為下

雋縣桑欽水經注曰澧出武陵郡充縣西歷山東過其縣南

又東過作唐縣北按今安鄉漢晉至五代名作唐縣又東至長沙下雋縣

時屬長沙西北東入於江酈道元水經注曰澧水自充縣東逕

臨澧零陽二縣故界水之兩岸白石雙立厥狀類人高各

三十丈周四十丈古老傳言昔充縣尉與零陽尉爭論封

境因相傷害化為石東標零陽西碣充縣廢省臨澧即其

地臨側澧水即為縣名晉太康四年置澧又東茹水注之

水出龍茹山色清澈漏石分沙莊辛說楚襄王所謂飲茹

水之流者也澧水又東與溫泉水會溫水發北山石穴中

長十丈冬夏沸湧常若湯焉澧水又東九渡水注之水南

出九渡山山下有溪又以九渡為名山獸咸飲此水經越

他津皆不飲之九渡水北逕仙人樓下旁有石形極方峭

世名仙樓水自下逶迤傾注行者間關靡所蹇泝澧水又

東澧水入焉水源出巴東界東逕天門郡澧中縣北九谿

衛西北又東逕零陽縣注於澧水澧水又東零溪注之溪

出零陽山歷山南西北注於澧水澧水又東逕臨澧縣右

會澧水出建平郡逕深陽縣南晉太康中置澧水右合黃

水黃水出零陽縣北連巫山溪出雄黃似有神異故名採  
黃客嘗以冬月祭祀鑿石深數丈方得佳黃故溪水取名  
焉黃水北注溧水又東注溧水謂之溧口澧水又東逕澧  
陽縣南今石門縣歷層步山又東道溪注之溪源出零陽縣五  
雷山至關山注於澧澧水又東入作唐縣左合潞水出西  
北天門郡界南流經涪陵評評屯屯流注於澧水澧水又  
東澹水出焉水上承澧水於作唐縣東經其縣北又東注  
於澧謂之澹口卽王仲宣贈士孫文始詩曰悠悠澹澧澧者  
也澧水又東與赤沙湖水會湖水北通江而南注澧謂之  
夾口又東南注於沅水曰澧口蓋其支瀆爾東南由美口入天心湖出

南嘴合沅水入洞庭離騷曰沅有芷兮澧有蘭澧水注洞庭湖俗謂澧江口也

澧水今注

澧水出歷山北流岷山別派會焉慈利十六都今桑植縣是澧水又東  
桑植十八峒水注之澧水東南流自古充界經古臨澧零  
陽界水南岸白石雙立厥狀類人高各三十丈相傳二縣  
尉爭論封境因相傷害化而爲石澧水又東茹水自南岸  
東流會焉澧水又東漸後河南流會焉赤溪注之俱慈利縣西北  
十四都境澧水又東安福所南岔北流酉水注之澧水又東過  
大庸治武溪注之俱慈利西南十三都境澧水又東至永定衛大庸

溪仙人溪麝溪焦溪雷公溪無事溪注之

縣九都冷水溪  
龍窩主溪

注又許家坊溪古峒溪穿石溪圍布溪宜冲溪注之

俱屬  
六都

又東九渡水北流會焉

七都又康  
家溪注之

又東紅花溪圍岩溪曲

水溪雙溪注之澗水東南流會焉又縣南黑峪溪陽野溪

白沙溪藍家溪屈家礪溪清溪環溪注之澧水又東零溪

注之

源自九都歷三都  
二都下五都入澧

又北桑木溪注之

二十  
四都又東遺筆

溪瓜子溪注之又東英溪桂棒溪茶林溪注之又東芭茅

溪注之又過東陽山下至界溪河入石門縣計澧水入慈

利爲洲渚者八爲潭者三自桑植至石門界爲灘瀨者一

百三十有二石險水急三十石之舟可下二十石之舟難

上

### 重考澧水源流今注

吾澧張洞庭先生撰三江考辨証確鑿謂四瀆百川之名

皆昉於禹貢漢唐以下注水道者多訛襲後人俗稱指點

現前疑似形勢附會牽合迄無定論是矣然愚謂澧水一

條禹貢特載東至於澧一語耳其間分合源流前志俱載

古今二注備矣茲復搜得一帙從澹水逆數而上俱以晚

近俗名逐條解晰若攙入古注則彼此不倫若補入今注

亦輻輳不免不如另作一條附載於後以便省覽名曰重

考澧水源流今注所以識別非複也

重考澧水源流今注

其一曰澧水出石門尖峰山至州西三十里羅湖壩與圓潭水會經安福楊潭河至澧城北折而東行名後河過澧陽礮出演武場與內河會由十迴港澧津灣至武公嘴會涪水入澧曰澧水一曰涪水其流有一二出龍洞涪趨石馬堰出謝峯隘經車通口龍神潭至兩河口與龍洞水會同出老灣經澧陽後坪皆稱涪水又出窖口與龍渡水會至武公嘴又與澧水會下至六豕口入澧曰涪水一曰道水舊志出石門花藪坪係桃源慈利界今考發源慈利五雷山由石門牛角壩白洋湖出官渡礮入安福境經余氏

礮至七里灘枯藤灣浮山之北歷兩岔山石烏龜金雞灘經安福裴家河歷洪家河馬家河由果老山峪溪河看花山阮山石圭山之北至腳跡渡將軍山營駐山之北入州境大石廠星渡河至州東南之二十里關山下入澧曰道水一曰溫水自茹水東流會澧水東與澧泉水會其源發北山在石穴中長十丈冬夏沸湧常若湯焉南流入澧曰溫水一曰茹水出慈利西北龍茹山水色清澈露石分沙東流會澧水白茹水其一曰溧水在石門西北七十里源出巴東東流經由龍門洞鯉魚山添平所至馬壩與溫水及雄黃陽泉仙陽溪諸水合流出皂角市是爲南溪由新

關渡至三江口經縣西四十里入澧為漆平河是為澧水  
一曰黃水在石門縣西北八十里南溪坪源出黃石山東  
流經黃礮與澧水會流入澧曰黃水一曰澧水出慈利湖  
北巴東界東過容美至麻寮所大奠河出洞中過柳梁南  
流注之又東涔水溪注之又東經古澧中縣治南至九谿  
衛九谿水注之又東西十八澗注之遶慈姑州治而會於  
官家渡鴛鴦界芙蓉州之間至黃岩灘又東北會於澧合  
澧水為九此大畧也

澧水古注

澧水九澧之一源出湖北宜昌府巴東縣界東過容美至

麻寮所大奠河

舊屬縣十八都今撥歸鶴峯州

出洞中

名江口零溪

過柳梁

魯陽南流注之

屬十都又東冷水溪注之

縣十都又東經古澧中

縣治

二十一都今三官寺南流至九谿衛治西定平漆溪注之

即蔣家河

喝堡溪

上應載仁石溪

斗溪

下有苟家溪

大富溪

即張馬溪

自衛東北來龍

館溪輸羸溪

一名書院溪

大河溪

一名大壑應在西關

自衛東來未確下關

溪

即關口關

兩秀水溪今名雙河自衛西南小渚來皆合於漆口溪

注之是謂九谿

名多未確

古名九淵澧水又東西十八澗注之

又東遶慈姑州治南會觀嘉渚鴛鴦浦合於澧自容美至  
慈利為潭二為灘為瀨凡一百二十其最險者魚泥灘星  
澧在十五都十九都

按舊志澧水為前江漢水為後江凡溪澗之水俱注於  
二江但錯漏尚多今照各都名次两江溪水皆挨次分  
記以備省覽其道水黃水及四都九都諸水雖流注鄰  
封源出慈境仍備載各都下不沒其所自云

新考漢江源今注

按舊志漢江發源於栗山其實源出鶴峯城上七眼泉泉  
下一嶺嶺南二泉流入宜昌北五泉為漢江之源下里餘  
過雞公洞或云雞骨洞經二百餘里細流甚多繞至鶴城其流  
始大可行小艇離城十五里有細足溪北流入漢下數里  
有岩浪子南流入漢下數十里許岩板河奎星樓二水交

流入漢過犀牛洞

洞為田土司乘涼處台座遺迹尚存

經三會口長陽長洛

之水入焉至瀼口南渡江入焉下榨石灘怪石甚多舟不  
能通九龍七狼山羊之水俱滙於此經數十里許至歷山  
南與天仙山壁立中通一線瀑布四溢其大者曰銅泉水  
甚急注河即姜片河舊名薑坪以昔年種薑得名今訛為  
姜片地形彎環如月土性最煖包穀歲兩熟下數十里至  
大葉坪原名打獵坪乃田土司打獵處後訛為大野又訛為大葉水竹溪水入焉自薑坪通舟上達鶴峯城自大葉通舟下合澧水至此乃通舟東下大洞溪小洞溪水  
入焉又十里許淋溪水入焉又十里許為唐家渡四里潭  
經江口湖北大田河小田河水入焉去里許刷箒溪水入

焉從此經赤石坪楊泗廟青萃溶至餘里濞大石岐嶒舟  
 人有戒心所謂公王之靈於此焉著下與濞至泉灘梯石  
 五里溪水入焉遶廖城出金藏楛于溪水入焉從此豁然  
 開朗土地平曠至南斗溪而兩山復並峙矣去五里許為  
 魯陽溪乃九谿之一由是穿山三十里名木龍潭出包家  
 峪兩岸皆大坪所謂五甲六甲九甲十甲悉在其間焉過  
 龍潭灣畢耳溪注之至血泥湖冷水溪注之斗溪口有溪  
 無水至羊喊峪姚家峪二水對注合眾流入西門關與潦  
 水合遶九谿城東南下由此波流潏洄經百餘里直至縣  
 城官嘉渚始與灑水合折入官灘又十餘里至英溪灘遺

筆溪又數里至桂棒灘又數里至茶林河歷大砂小砂又  
 十餘里至將軍廟東羊渡抵界溪河入石門境矣灑灑並  
 流滔滔東下蓋萬世慶安瀾云

灑水源今注

灑溪為九谿之最其源不可不細究也按永定界大山名  
 青岩山山下有洞名王爺洞實為灑水發源處由礦洞峪  
 經于溪南入者為老木灣張家界唐家山插旗峪等水北  
 入者為蔡家峪火燒岩等水眾流交會始名灑溪由是而  
 猪攻泉董家峪施家過之水南入焉毛崗泉之水北入焉  
 又下而朝陽寺劉家之水相合南來又下而惡風泉水亦

南來又下而張家峪吳家峪廖家峪水相合北會九里壩水南會包家峪水亦南會又下而唐家峪水北會鋸子溪水亦北會又下經界溪河潭湖峪杜家坪逆流由三官寺紅鶴洞流出為雙河亦北會又下而李家峪水長峪水亦南入從此委蛇十里許而入澗水矣九谿城以上溪源散漫於此識會歸焉

澧水澧州志舊志暨岳志皆出葛山蓋本山海東次二經葛山之首澧水出焉注澧音禮考葛山尾有流沙三百里至首三百八十里地勢既不侔而正字通作澧乃古共風鄂縣南東北過上林苑禹貢所稱澧水攸同者是又中十

一經雅山澧水出焉雅去衡山九十里雖道里未必確而地差近當以雅山之澧為澧州之澧而葛山之澧為澧字之訛但據現在澧源山無名雅者而慈志原出葛山為荊州澧水未見其確也附錄康熙時湖南志備參

一都

道水九澧之一屬安福縣出縣東五雷山由安福縣至澧州官山下入澧

鹵泉一二三都二一都俱有

牛鼻堰堰東石壁屹立中一石柱左右二孔如牛鼻然下有深淵溉田甚多

堰塘十口

二都

大迎溪 由迎驥埡得名俗名英溪又名陰溪源出五雷山南麓下流與小迎溪會入漴灌田甚多

小迎溪 俗名小英溪源出五雷山北麓灌田數百畝

桂棒溪

茶林溪

筆竹溪

三里溪

鹿泉

松泉

黃連洞泉 灌田數百畝

熱水坑 在落馬坡零溪邊

堰塘 一圖十三口 二圖九口

三都

文家溪 灌田千餘畝

莫家溪 發源桃埡大水泉灌褚家峪田千餘畝

董家山溪 即楠木洞發源蛇兜埡山麓灌田極多

夾峪 灌田數十畝

大水泉 即莫家溪發源處

黃家堰

打鑼堰 三四都連界一名清水堰最為深幽以石擊之其聲清越故名

堰塘 一圖八口 三圖十七口

四都

堰塘五口

五都

零溪河

發源九都洪家源頭順流至五都筆架山入大河

雷家溪

水出將軍峪灌田千餘畝

白沙溪

灌田百餘畝

藍家溪

又名黑峪溪

楊家溪

又名楊葉溪灌田數百畝

陽野溪

萬福礮溪

舊名屈家礮溪

環溪

黑峪溪

清溪

金花井

銀花井

老鴉泉

灌田百餘畝又十九都亦有老鴉泉

鴉鵲泉

灌田百餘畝

黃龍泉

其水四季不涸灌田數百畝

水磨峪泉

在紅土坡旁水出石穴前後坪俱資灌漑計田數千畝洪水出主旱

大彎泉

灌龍頭坪田

響水洞 縣南十里灌田百餘畝

龍窩 在黑峪

堰塘 二圖

六都

團春溪 灌田百餘畝

明水溪 灌田百餘畝

紅花溪 灌田數十畝

墨硯溪 石色青黑性堅澀人多取之作硯

雙溪

古隄口溪 水出油榨礮灌田數百畝

蛇盤溪 在縣西北六十里有古柳二株大連抱其根屈蟠為礮故名

馬影泉 上有赤石壁日出常現馬影故名

白鶴泉 在康家坪灌田數百畝

柳子泉 相傳內有石樓石棹石磴祈雨極靈

鴛鴦池 在縣西北六十里相傳有活鴛鴦棲此又兩山交頸如鴛鴦故名

自生堰 石圍岩坡頂水常盈盈溢則主旱涸則主雨

堰塘 一圖十一口三圖十二口

七都

古洞溪 兩山壁立高挿雲霄對面可共語其下溪水潺湲里人鑿石壁為溝通流灌田千餘畝

五寶溪 俗呼為虎豹溪多出珠寶大雨後居人常拾得珠砂等物

隱居溪 說傳為野人住漢行數里為丁公埕云昔有高人丁公隱居於此故名

洞口溪 兩山截斷一水中出道經三都極危險有石磴三十六行步維艱人多嘆為蜀道難云

鉛廠溪 在獅子岩山下出鉛銀鐵礦明季曾經開挖現有接官亭鐵爐峪遺址道光年間所獲不償所費遂

止溪水遠山曲出下注於公埕灌田千餘畝

康家溪 灌田千餘畝

野豬溪 水出零溪河源頭灌田千餘畝

桃樹溪 灌田百餘畝

白沙泉錦雞泉 在飛沙坡五音岩下兩泉合流灌田二千餘畝泉水冬溫夏涼時有錦雞飲啄其間

天賜堰 南山之南一峯高出頂自生一堰濶十餘畝深數十丈大旱不涸相傳有雙巨鯉長丈餘飛騰去旁

有寺觀曰長壽寺

堰塘 共十五口灌田四十餘畝

八都

鷺兜溪 其水夏涼冬溫溪兩岸有花石如貝錦里人置器物者皆取資其中

岩口溪 灌田數千畝源出永定寶峯山至紅泥灘入澧

陽和溪 灌田數千畝源出紅岩寺至饅頭石入澧

桃木溪 灌田數百畝出三峪口至岩屋口

穿石溪

鑲水溪

千家峪溪

楊柳峪溪

釀河溪

許家坊溪灌田

圍布溪灌田

黃泥礮溪灌田

宜冲溪灌田

古峒溪灌田

五區龍潭相傳有龍遺珠於此故名

織張洞泉灌深崗坪龍潭田千餘頃天旱水愈大

朝崗泉在天竺山形如瀑布

玉盤泉泉出深洞內有玉盤石如圓棹名曰仙人下碁

古井二一在龔家山邊一在普賢菴旁大旱不竭

乾堰在桃埡西大十餘畝四時不竭

濕堰在漁浦塘

馬鞍山堰濶數十丈大旱水不涸

大堰二一在河家山巔廣數十畝一在南山姚宅後灌田數百畝

堰塘三圖四口五圖八口

九都

杜家溪源出四都由剪刀寺出大河灌田數十畝

鄭家溪源出永邑天門山流百餘里入大河灌田數百畝

暮訪溪源出響水洞灌田百畝

洞溪 源出田二壩下灌田百餘頃至渡口入澧前志未載  
兩山壁立中一徑極幽峻邑監李家聲募修道路稱

焉 坦易

零溪 源出洪家源頭蟠桃洞經三都二都下五都  
至筆架山下入澧流經百餘里灌田甚多

龍潭溪 縣東南四十餘里源出黃沙  
泉灌田百餘畝與車家溪合

車家溪 縣東南五十里源出雷雨庵下歷八  
步礮灌田數百畝流入桃邑毛家河

兩汊溪 縣西南八十里從窖子峪來一從濫  
木潭來至此合流灌田二十餘頃

白蓮溪 縣南七十餘里發源  
咸池峪灌田千餘畝

鯉魚溪

冷水溪 有二處其  
一在九谿

龍窩河

桃花溪 源出渠溶有白紋石  
琢之可作棹撈用

湯溪 源出渠溶經觀音礮過龍  
潭洶會兩河口至黃市

響水洞 在三區二甲洞深數百丈清不見底天將旱必涸  
湧紅水數日苦雨亦如之屢試不爽離城百十里

渚溪 一名主溪即溪口九都  
諸水俱注於此入澧

龍洞塔 在三區其先本水鄉多魚土人鑿隧道洩其底獲  
殿田十畝時掘得龍骨龍牙俱全離城百二十里

洪家源頭 為零溪河  
水所出

龍潭河 縣西南六十里流人桃  
邑黃市灌田千餘頃

小河 在永屯張家坪發源沈家峪灌田  
數百畝至回龍庵與陳家河合流

堰塘 一圖五口二圖  
三口三圖九口

十七都

野牛湖即古野牛關形如鍋水自岑峪沙峪來其源甚長又竹葉坪水灌入又余洞湖水浸入合衆山水於

土成坪咸豐年間有澤裔羅務本開墾成田約數百畝

竹枝溪

杉欄溪

馬家溪

園團溪灌田數十畝

兩溪口下余洞與桑植抵界

瀏亮泉灌田十餘畝

七眼泉在馬河口泉出石壁間有七眼一出風一出水一吐霧一出澀水一出清水二無水

李家堰灌田數十畝

十九都

五里溪水出廖城

梧子溪水出廖城

人潮溪發源石門埡

冷水溪源發西蓮流入兼拔河前流冷水溪有二一在九谿西注澗水一在九都注澗水

仁石溪發源貓兒泉過牛車坪流入象耳礮河

張馬溪一名大富溪由汪公泉發源過黃福坪杉木礮入石礮河

輸羸溪一名書院溪由老鴉泉發源與和豹溪合流入石礮河

和豹溪一名喝堡溪由羅家坪發源與輸羸溪合流入石礮河

斗溪在二十五都卓家坪一名陡溪口此九谿俱在澗北相傳為內九谿

南斗溪

在十七都由老鴨泉發源過分水嶺入江

魯陽溪

一名柳楊溪發源野牛湖由余洞出桂竹壩入江

溱溪

發源張家界黃牯泉由百丈峽過峽口關至江埭會於溱

蠻兜溪

發源皮家埕流入滕家河

清水溪

源發湖場由老鴉泉箱子口入滕家河

魚泉溪

發源打鼓泉人畢家坪

龍館溪

在二十二都農官坪

洞溪

在二十一都畢家坪

沙溪

發源楊泗峪流入孟家洲此九溪俱在溱南相傳為外九谿

牛鹹溪

旁有鹹水當年有野牛銜此水出人湖溪

林溪

入溱灌田百餘畝

刷帚溪

南入溱灌田百餘畝

神靈溪

北入溱灌田百餘畝

大泉溪

大河溪

一名大壑即城西九淵關實為溪城保障

響夾溪

爐扇溪

下閘溪

即閘口關

雙河

即兩秀水溪一繞茅花山麓一繞雲台山足下皆注於溱水歸於九谿

魚泉

在了一角山下有二洞風一涼一溫灌田數十畝

雞公泉 九谿城北門後往來樵牧多飲於此

白馬泉 九谿城東仙侶洞下

老鴉泉 九谿城南五里內有巨石似鴉灌田數百畝

明潭泉 灌田數百畝

白水泉 在老鴉泉灌田數百畝

魚羊泉 山下有石形如魚水自魚口出石形如羊仰口承接

孽龍泉 內有石龍灌田甚多

水流寨 中有水灌田數百畝

荷花堰 灌田餘畝

二十都

胡蘭泉 在蘭泉寺脚旁灌田數十畝洞口兩山排立恍若仙掌朝霧瀾漫則主晴暮煙散覆則主雨

鼓鑼泉

堰塘八口

二十一都

洞溪 在畢家坪

滕家河

堰塘十六

二十二都

黃水 九澧之一屬石門縣水經注黃水源出零陽縣在

象耳礮溪

黑龍泉

水出楊家峪

白龍泉

源出大尖山灌田

打鼓泉

堰塘

二十三都

承湖

北山之麓有瀦水周圍七八里分七澄深不可測旱時則引水溉田

三悟泉

灌田甚多

二十四都

瓜子溪

桑木溪

道筆溪

槎溪

夜叉泉

相傳內有石龍吐水祈雨輒應灌田千餘頃

堰塘

二十五都

卓家峪溪

溪水自分水嶺西來下即荀家溪伏而歸河

卓家坪溪

溪水自抵北山之分水嶺西流至東岳觀與輪贏溪喝堡溪合流入石廠河

芭茅溪

西流溪

縣西北四十里與雞公泉龍窩泉合流西出東岳觀管家橋至觀斗坡與張馬溪通津舖水大會入

石廠河灌田數百畝

前溪 其源有二一在風自洞泉水所注流入韓家泉溪其水始大東出寶珠山與後溪合

後溪 源出楊王峪溉田不少至寶珠山合前溪水同出東羊渡

界溪

響水河 泉出何家峪溉田百餘畝

雞公泉 一名泉峪在卓家坪北山麓灌田數百畝西流合龍窩泉出東岳觀人於西流溪

龍窩泉 平時水清潮發乃濁在回頭山下泉上有風自洞黃牯岩一石如牛上下水流不竭即泉源也勢高

力大狀如飛瀑東西分注不可數計舊志載風自洞泉出於荷家溪亦誤矣

韓家泉 灌田數百畝

風自洞泉 築溝分水東流與韓家泉合經芭茅溪入東羊渡西流與雞公泉龍窩泉合派流入石廠河灌

田甚多

响水泉 灌田百餘畝

道灣泉 源出道人山

自生堰 有二處一在楓香坪周數畝大旱不涸一在陽雀壩四圍皆山水瀦其中皆資灌溉焉

堰塘 一圖二口二圖八口三圖八口一坊六口二坊五口三坊五口

各都堰塘舊載二百二十三口其新開者未經報明

無從入志今仍之

無筭人志今所云

各味點點蓄燻二百二十三口其味開香未幾時即

點點一廿六口二廿五口三廿正口  
一圖二口二圖八口三圖八口

自主點則香四圍皆山水齋其中皆資歡齋焉  
二齋一亦賦香和周煥廟大旱不雨一五

戲歡泉人山  
戲出戲

如泉箱箱  
箱箱

### 津梁

津梁之設所以便行旅也古者司空以時平治道塗  
無歲不舉誠有重乎其者慈邑雖非孔道亦行旅  
所必經近來頗多好義之士募化衆善信修溪礮立  
義渡作無量佛第一件功德而慷慨樂施者且復以  
身任之不假旁助斯誠波平浪靜可呼舟子以涉川  
馬驟車馳共指昇仙而題柱也爰於溪礮分列官民  
義渡註明田地若干租稞若干工食若干存留補修  
若干以期行之久遠並不淡人之善云志津梁  
一都

廣福橋 為慈石常澧通衢山水暴漲屢修屢圯近張先儒  
鄧昌璜張德祚張天錫張望香募修費四百餘金

東方橋 衆姓公修

麒麟橋 衆姓公修

萬福橋 邑監張明陞捐修被水冲塌監生張先元庠生張  
先獲等募修嘉慶年間又圯監生張先薦等捐修

咸豐已未河水暴漲又圯廩生張德選等復募修

二都

迎曦橋 俗名英溪橋醫學朱劭珍理間廳朱劭材募  
修後圯生員朱迪魁朱咸龍等募衆補修

萬善橋 在茶林河咸豐年間善士鄭志榮募衆造修不辭  
煩苦工甫竣被水冲圯旋募旋捐旋修又修官路

十里蔣邑尊特給品銜邑侯稭有慶有序

高橋

白竹水橋 道光丁未年康成安朱咸廷同修許費數千金  
因名安珪橋孝廉康福庭為之記後為水圯同

治八年後修各費千餘金

響水洞 義渡一隻嘉慶十六年向子選施二都白羊壩田  
一處稭八担後其孫顯煜等同姪孫顯煜顯宜等

又共施稭六担又公置羊适水田一處屋基一塊又  
李朝遠施熟地一塊又道光十六年朱宗華弟兄施

羅家坪田一處庄屋一所載稭  
五石五斗趙宗英施渡船屋一頭

朝神渡 義渡一隻衆姓募化同治八年  
朱兩山捐趙家坪田稭三石

界溪橋 生員李國錠捐修水圯咸豐  
庚申年傅遠大管盛典里修

長生橋 李大哉高  
長福募修

三都

孟家橋 乾隆三十五年衆姓券  
修嘉慶三年衆姓重修

龔家礮 嘉慶元年衆姓募修南通桃源

中興礮 道光庚寅年首士注成華募修

詹家礮 莫詳所始道光乙酉衆姓募修咸豐二年重修

莫家溪礮 咸豐甲寅衆姓募修同治五年衆姓募修

孫家坪礮 道光戊戌年衆姓捐修同治丙寅褚延榜重修

迴龍礮 道光甲午衆姓捐修咸豐甲寅褚延榜重修

接柳礮 在雷南埔注長吉修

太平礮 注之大修嘉慶二十三年汪士拔等重修同治元年汪珠麟兄弟重修

三星礮 在連三灣朱衡一重修後因水圯重孫邑岸希文補修

安懷礮 在零溪寺旁朱衡一重修

魏家坪礮

文家溪礮 有舟濟之公修水漲

深渡水礮 有舟濟之公修水漲

浪字口礮 公募船一隻水田一處每年收租五百

四都

陳家河渡 咸豐年間庠生葉如筠募修

龍潭河渡 乾隆四十年庠生彭聖則施船一隻田一處又衆姓募置田數畝

福礮 咸豐年間李國麟捐修

長壽礮 道光年間李國麟捐修

長齡橋 同治年間柳照萬捐修

續修志

津梁

五都

芙蓉渡

嘉慶時生員姚世綏監生卓朝偉募置水田三石

年首士等因管業不便變賣另置戴文德沙地一塊

價六十五千文又置覃祚仁水田一處價二百十

文又置覃家定堰塘碼頭錢二千四百文陳在域施

鯉魚橋水田三坵又分州王承玉募施渡船一隻

置王營坪水田每年收租二十三石五斗職員王寶

吾于采贊王承玉捐置水田每年收租九石又訓

導朱佐朝施船一隻指南關外水田每年收租十一

石載正銀一錢三分八二坊廂朱義舟戶內又募置

杉木崗水田價六十六千每年收租六石載正銀八

分入芙蓉新渡戶內又募職員朱咸珪錢一伯千文

並職員戴宗彝先年所募錢一百一十一千文當受王

營坪姜官陞水田四坵價二百八十二千文每年收

租十六石八斗又先年戴宗彝募券當受桑木溪

吳承烈田價錢十七千文每年收租一石七斗

迎曦渡縣東門外五里許零溪河有木橋水漲則須舟以

濟之名迎曦渡乾隆五十六年士民公請於前憲

吳煥准簿募施船一隻置大游頭劉姓之業一石五

斗載止銀二錢二分將每年租穀以作渡夫工食整

修船隻用費契存王宗魯家又楊登榜施河南岸地

基一塊以作渡夫住址又覃光興光斗施基地五尺

現石碑

官橋在縣東門外三里許

鯉魚橋在縣南門外里許

水磨峪橋

在縣南門外里許燕

水西門橋

在縣西門外

燕公橋

在清盛門外邑

皇經橋

在燕公橋上

續修志

卷二

津梁

四

麒麟礮在鎬

永安礮邑人文園方建嘉慶十年修更名萬年礮

楊葉溪礮在永安渡口

藍家礮道光乙酉眾姓募修水圯同治六年王昌運戴用愛譚正松捐貲重修

萬福礮原名屈家礮明官典寶屈應祥專修康熙間朱宏英捐修水圯同治六年高文邦又捐貲募眾重修

自生礮在馬家壩旁兩岸高聳危岩壁立自生石礮如天造地設

白沙溪礮眾姓募修

六都

永安渡舊係官渡嘉慶時耆員朱鴻音施船一隻武舉王承泰施船一隻州同龍光思施船一隻又施所置

邱姓水田六畝土名飯甑山屋一所租穀十四石渡口舖屋一所基地一塊租錢十一千文載正銀二錢

現立龍義渡戶名案係戶房訓導朱佐朝同任顯德施船一隻捐置六都伍家坪水田一處租穀三十二石載正銀五錢七分戶名朱義舟案存工房又六都士民共施船一隻

油榨橋

二神渡戴宗琦沈開富王國珠王昌運等募施船一隻置水田數畝在彭家峪

三溢渡又名三義渡伍明文之母歐陽氏同媳李氏孫元忠克忠施船一隻田一處在六都雞子崗每年收租穀二十二石以作渡子工食修船之用

柳林舖渡邑士民公施船一隻因渡夫缺少下食胡運兄弟捐當價錢八十千文每年收租穀六十石

團岩渡溪監生李大甲施船一隻沙地一塊張明友募修屋一所作波子住居後監生李廷彩克繼父

大甲之志施水田一處土名磨坊峪收租八石

岩泊渡其施船一隻

其施船一隻

福神渡

在六都長潭河車姓同衆姓共施船一隻

官平渡

在二十四都邢家河邊古芙蓉渡一名鴛鴦渡生員姚世綬卓朝陽生卓朝偉戴用富卓之浩募捐施船一隻公置田三百五斗黃舜舉施田二斗有碑舉人邢高魁募捐施船一隻

簞子頭渡

生員朱迪謀同衆姓士民共施船一隻

三步兩礮

屈應祥修

橋林礮

屈應祥建修邇年姚家彬家王楊業新王繼瑞朱成銘同行募修

拱背礮

在廖家村

福星礮

在廣濟庵

大安礮

在龍王廟

晒谷礮

在石岩泊渡

迴龍礮

在篁子頭

三多礮

又名六合礮張宏鏡建修後地子楚書重修旋水地孫縣丞德光又復重修

登瀛礮

在篁子頭

魚賽礮

在茶庵上

雙溪礮

八哥峪船板峪兩溪交合處張永建相修

七都

右泊渡

首人孫益興李勝用田明月李永保倡捐募修置田十二畝零迭有餘積墮修本渡碼頭設寺潭義渡並本都坦壤道路礮梁

寺潭義渡

係七都士民公施舟子工食係七都田孫兩姓六都朱氏三姓公給

馬公渡

船一係衆姓公施並置田十畝

津梁

亭子礮座二

三星礮溪在上

長壽礮在黃土溪同治四年係孫母張氏捐修因名長壽

永長礮在樵子溪

古洞溪礮路極險咸豐六年朱光廷武舉符茂年建石礮甫竣水圯同治四年兩姓復捐修始成坦途

八都

一峯渡王一峯名正同仰承親志施船一隻捐田一石土名宋家岡計收租穀二十五石因名爲一峯渡

漁米渡船一隻李永靈同萬壽宮施沙灣水田一處正銀四分楊克振施曹家路水田一處正銀一錢一分

又王萬珍施田一畝正銀一分在七都木子坪內

至公渡李應先同州同賓嗣旦合衆姓施船一隻任氏田二十五坵山一面屋一所後李仙璋將是業

當監生李國平承當同治六年國平將當價概施同治五年監生王正舉又施船一隻犀角渡

自生礮渡

岩屋口渡衆姓公施

邊岩渡

野牛舖渡衆姓公施

紗帽寨渡船二隻一係衆姓公施一係王賓槐兄弟施

人字迴渡楊冕施船一隻田六畝土名殷家溶每年收租十二石于生泰胡崇文又施船一隻

饅頭石渡衆姓公施

江邊渡船二隻一係王正同施捐田一石土名宋家崗收租二十五石一係衆姓公施

冷水渡 孫汪與眾 姓施有田

成善礮 在野牛舖咸豐十年永邑處士湯善元命子監生湯啟琳建修同治二年邑孝廉魏湘有序附石

漢元礮 在走馬坪貢生王正舉補修

遇緣礮 在朱家峪 眾姓募修

聚星礮 在張家峪唐文魁捐修

宜冲礮 在至公渡乾隆乙亥首士甯成股募修

新建礮 在漁米渡乾隆三十一一年眾姓募修

六合礮 在黃泥礮下公修

黃泥礮 在舖中 間公修

五福礮 在穿石溪嘉賓徐遠志於道光二十三年建修次年告竣

古洞礮 在西峪口 前公修

長遠礮 在黃泥礮北里許係李長遠專修水漬眾姓公修

竹溪礮 地名醜和王竹溪仰承先志倡首募修費二百餘金自捐四之一因名竹溪礮

九都

洞溪義渡 邑從九李家聲處上李祖瑜募置田地六畝每歲取租十五石作渡子工食俱在九都一區十

甲六都張明遠施田二畝李姓施租穀一石均歸六都首士支發

紗帽寨義渡 此上永下慈通津也監生王恩槐任堂信堂義任孫正乾施船一隻契買白岩閣出地山

場 正銀二錢四分歲收租穀三十石以爲舟子口資整修各費

溪口陶家嘴義渡 亦上永下慈要津嘉慶年間監生于張九坪田六畝一南山界田一處共收租二十五

石載入前志今其裔孫又置張姓水田四畝歲收租

續修志

卷之三

津梁

十一石資  
用益饒

鐵舖渡 兩處義渡上通雲貴下達常澧首土吳家貴張永  
曉易鴻軒張明連莫若愚公募義渡三隻水田五  
處計種一石六斗七升計租四十一石七斗五升平  
地十二處計種一石六斗四升計租錢四十一千水  
田正銀五錢零一厘平地  
正銀一錢九分五厘二毫

樂善橋 在岩板灘眾姓公  
修通桃源黃市

元善橋 在洪家源頭眾姓  
公修通辰州沅陵

高橋 在蟠桃洞下里許  
余家臺眾姓公修

景隆橋 由縣通黃市要路  
有市口眾姓公修

觀音橋 在龍潭河眾姓公修監生朱  
赤壁倡首增修通桃源黃市

和家橋 邑人葉先立修

圓通橋 在岩門水眾姓  
公修俗名新橋

高公橋 邑例貢高長美捐  
修計費五百餘金

定安橋 黃澤芳張  
祖貽募修

郭家橋

劉家溪橋

騰龍橋

十九都

王家坪義渡 收租十餘石  
眾姓公施

雙河渡 田穀十餘  
石趙姓施

石版渡 監生李宗德袁學富  
倡首修收租十八石

柳潭渡 田穀十餘石 庚姓與眾姓施

永濟渡 李姓倡首建修 收租十九石

龍潭河渡 船一隻卓興武妻瞿氏施田一處 載種三石八斗正銀七錢二分

協宜湖渡 船一隻卓光武施田一處 載種三石六斗正銀六錢八分

唐家渡 田光珍施

螺螄紐二渡 向天麟施

長潭渡 向萬祿施衆 姓亦有力焉

南斗溪渡 土人公施

螺螄坪渡 饒貫萬施

林溪渡 饒大典施

魯陽溪渡 土人公施

包家峪渡 土人公施

兼拔河渡 卓達清之母謝氏施

廖城繩頭

金藏繩頭

固城繩頭 上三路當年以大繩攀援上下乾隆年間鑿壁成路土人公修計費數千金

泉潭碼頭 十七都趙世安捐修 凡三千餘級極險峻

三家店石礮 王明科捐資修

長安礮 衆姓修

福星礮 衆姓修

青華峪橋趙秀

華英橋訓導杜啟秀修咸豐十年杜錫齡補修

永昌橋

千功橋此二橋九籍監生何太昌於道光二十四年捐修費金四百餘串

長慶橋咸豐五年監生廣昌懋募修

化龍橋麻池河同治四年衆姓公修

五福橋乾隆年間衆姓公修

蔡伯溪橋卓姓募修

二十一都

東關渡船一隻

關門巖渡船二隻

此二渡道光戊戌年李文龍度紹治張懋昌生員廣昌鰲募修置有田地載種二石正銀三錢三分

相施田一處載種一石六斗正銀七錢三分

南門渡船二隻嘉慶十年唐業雋滕紹仁李正讓募置田四處沙地一塊一載種一石二斗正銀一錢五分

一載種二石四斗正銀三錢一載種二石正銀三錢一載種一石五斗正銀二錢九分

王家坪渡船一隻杜昌熾譚遺訓唐文書募修嘉慶十年置田一處載種二石五斗正銀二錢道

鎮南橋同治二年水圯監生康大用捐貲重修

陳二橋同治年貢生呂典領首募修

塘路道光十年監生康大有捐貲修路一塘取成半載

二十二都

象耳橋渡

周公渡 同治丙寅州同銜管盛典捐貲同蘇承芳募置地百六十畝文餘資生發今造船一隻

仁石溪渡 一名湘溪渡 譚姓公施

福田橋 在田家坪道光丙午田祝堂募修

三祝橋 道光十五年李三容募修

象耳橋

杉木橋 原名卓公橋同治壬戌大水冲圯管盛典卓九成卓雲程李文衡柴啟達萬文德等募修費錢三千

餘串

二十三都

市厥河義渡 莫乾章倡首募化置田在六

犀牛渡 聯近市厥河咸豐壬子管盛典捐貲募修並置船一隻

市厥河 上碼頭州同銜管盛典捐貲同莫乾章等募修置

通津橋 道光二十九年唐開璞開瑜宏英宏富捐田一處

作補修之資 土名堰塘計租七石正銀七分入橋管業其積息

管公橋 在東嶽觀西下十里係南北要道管姓公修

分路舖橋 咸豐戊午管盛典捐修

長育橋 咸豐元年管盛典捐貲同唐宏英等捐修

長峪舖三橋 一路皆山溪為西北赴縣大路管盛典倡首募修長峪中連建二橋乃不病涉

二十四都

博愛渡

貢生易秉龍施水田叁坵士各研屋崗收租叁石

監生卓啟禮施水田叁坵士各視槽壩收租叁石  
姚選愁施水田貳坵士各向家塔收租壹石姚家所  
施水田壹坵士各長灣河收租壹石黃世俊世萬施  
水田壹坵收租壹石  
石餘皆募化

邢家河渡

船二隻係衆姓募化此渡舊亦名芙蓉渡生日  
黃舜舉施刀掘坵水田二坵田三石二斗契存

戴益萬餘屬衆姓募化

琵琶渡

郎團洋渡船一雙正九品戴世瞻施水田二石沙  
地一塊國學卓之淵施沙地二畝五分前志載三

畝五分誤李文表施基地五分

演武場下渡口

同治七年衆姓募施船一隻

同濟渡

謝廷彩施渡船一塊載根三錢五分  
塘一口沙地一塊水田一坵在下五都卓家坪載

萬安渡

謝名太施船一艘水田一坵在下五都卓家坪載  
根二錢零八釐五價二百千其贖當之錢六十五

千係衆姓捐助朱青選施羅家坪水田大小五坵並  
有山場又施易家壩大小十坵共載根八分五釐黃

光祖施下五都沙地一塊載根八分五釐俱已勒石  
並經執掌首士戴星彰卓啟榮張顯林等稟縣存案

官潭灣

道光年間衆姓募施船一隻

填補二十四都

陳家河渡

邑庠葉如筠募修

龍潭河渡

邑庠彭聖則施船一隻田一處又衆姓募置田數畝

二十五都

東羊渡義渡

船一隻有田在本都生欄埡向家坪收租穀  
三十石原係公同募修未詳所始現係唐業

純掌管

遺筆溪義渡

舉人唐業雋唐肇六徐一超楊殿賜募化置  
田在魚泉峪收租穀十石徐永泰另施地一

貢修系川系示

律梁

塊在縣東門外  
收租錢七十文

萬緣礮 在包茅溪康熙時任學聖募修石礮未成水圯乾

貢生任紹緒募化其半遂

自生礮 在黃葉溪兩山對峙中間橫亘一石約長三四丈

寬二丈厚丈餘下空數丈不費人力自成一礮路  
雖崎嶇為韓家泉  
等處赴縣要道

三多礮 前志已載  
今傾圮

四眼礮 前志已載今廢  
三眼止存其

三眼礮 近東嶽觀道光丙  
午年管尊一捐修

### 城池

地利者人和之助故高城深池斯民藉以作捍衛慈  
邑自嬴秦設縣後沿革紛紜遷移靡定總不離乎河  
南河北以形勢言河北枕山帶水氣局開張河南背  
水面山規模狹隘以利害言河北江流環抱河南水  
漲衝突今北門外城垣坍塌崩潰數十丈縱有補葺  
終非長策欣逢

國家累洽重熙荏苒絕踪烽火息焰外戶亦可不扃而  
金湯亦所宜固茲就有謂以來更徙始未及九谿營  
衛並古城街巷詳列於後而鄉村小市亦附載焉將

來建議修築爲保障久遠計或者綜形勢審利害曉然於河南之不及河北也志城池

明高祖吳元年降慈利州爲大庸縣旋改大庸爲衛仍置慈利縣移今址無城成化時邑侯楊威始創立柵欄

正德十四年邑侯劉最於東西街口壘堞圭其下爲門創樓於上宿卒以司晨夜

嘉靖間邑侯劉長春更造門樓東曰迎曦南曰永鎮西曰谿崗懷德北曰曰澗澧朝宗

隆慶三年邑侯梁可大遷治於二十四都官塔坪築土垣

萬曆六年邑侯游春霖以水患申請三道復移今址城周圍一千二百四十丈高一丈六尺明末兵變城遂圯

國朝初賊寇伏莽僑棲觀嘉渚覃屋舊築土垣康熙十二年邑侯萬叔堅詳復舊址

乾隆二十八年署縣事郭六宰詳請重修議改遷於二十四都官塔坪尋調去未果新任郭湛遂仍原基修之周圍六百三十九丈一尺五寸高一丈二尺堞高三尺六門俱有樓東曰迎曦南曰朝陽西曰慶成

北日拱長小東門曰巽齊小西門曰坤養門外護城  
坡一道北門外護城坡二道內外馬道各寬六尺西  
以環溪爲壕北以大河爲壕東南壕皆六尺嘉慶元  
年護城坡坐塌二十餘丈五年北門迤東迤西護城  
場七十餘丈城身塌二十餘丈十年六月內北門城  
身又塌二處計長二十餘丈經邑侯黃應培勘明稟  
報十一年李約到任捐廉補修至二十二年四五兩  
月河水屢漲城脚洗空李侯以旋補旋塌難以修葺  
稟請緩修在卷嗣後諸令因無款可籌未經修補同  
治六年嵇有慶到任親詣查勘北門迤東迤西舊址  
已成河身移進一步於土坡之上築砌成牆西南一  
帶倒塌數處六城門年久損壞亦畧爲補葺總共計  
用千餘金

九谿營城在縣治西北九十里二十一都以城前後  
左右有九谿環繞名詳見山川明洪武二十二年己  
巳東川侯胡海等討夏得忠立柵守禦二十三年庚  
午設九谿衛指揮呂成韓忠等築周九里十三步高  
一丈八尺門四各有樓東曰朝天南曰迎薰西曰定  
邊北曰拱極壕塹北隅四百八十丈東西南隅因大  
河爲壕景泰初設九永守備駐此隆慶三年以岳州

府增設通判駐此督嚴邊儲兩守備改駐永定衛城  
盡傾圮康熙七年副將李承恩加修乾隆元年改協  
爲營遊擊駐此城垣殘缺

附古城邑

白公城在縣治東二里零溪旁一統志周時白公勝  
築後勝作亂敗奔山而縊事見左傳註載今或曰白  
慈利縣公善築

慈姑縣城秦始皇置在今縣二十四都官塔坪

零陽縣城漢置卽白公城舊址今土垣猶存

充縣城漢置在縣西二百四十里十六都地卽今永

順府桑植縣治舊志謂九谿倉遺址卽其地誤漢中

縣城三國吳析充縣地置相傳遺址在二十都三官

臺畔今有古城形跡鄉老呼爲老城

臨澧縣城晉析充縣地置舊志謂在大庸所以臨側

澧水故名州志載入石門縣南誤辨詳藝文

北衡周城北周廢澧中臨澧二縣地置卽永定縣

崇義城北周罷充縣置其地亦在充境今無考或卽

澧中縣城

崇州城隋改北衡州置卽永定縣治舊志謂在今永

泰街非辨詳藝文

慈姑州城元置慈利縣置卽慈姑縣地今土垣猶存

安定州城

柿溪州城

按二州元置慈境谿尚間其址舊志無考查今之永定或卽安定更名又十七都有柿油坪下有溪今據歸鶴峯州山羊司疑卽其地

蠻王城在縣治東高橋山頂世傳後梁大將武平侯破蠻王之所蓋蠻寇拒討所築也

白抵城在縣北十九都山高千仞四壁如削廣十餘里宋建炎中土寇廖彥踞此今名廖城

覃家城在觀嘉渚元寇覃屋築明洪武時左丞周德興討平之荒址猶存

國初僑遷於此名新縣

麻寮所城在縣治西北二百里十七都地以麻寮山名明洪武四年設千戶等官駐此唐氏世居之今撥入湖北宜昌府鶴峯州

安福所城明洪武二十五年千戶李譙築原屬慈利十六都地今改永順府桑植縣治

坊表

進士舉人坊歷科題名之處卽桂香樓

聯科坊 爲明雙進士兄弟同榜劉旬劉疇立詳辨誌

折桂坊 爲明舉人王宏立

凌雲坊 在燕公橋東爲舉人王彥才立今名清盛門

雲梯坊 天門橋西爲舉人何思齊立

冠英坊 爲舉人趙廉立

青雲得路坊 爲舉人丁璿立

天池鯤化坊 爲舉人劉秉立

恩榮坊 爲御史趙廉特錫誥封立

丹桂坊 爲舉人朱仲賓立

文魁坊 在文廟前爲舉人失名

天門第一觀坊 在迎曦舖爲編修張允立

登瀛坊 爲舉人周孟璋立

西李總兵坊 九谿城北門內爲李師靖立

錦衣坊 爲錦衣衛杜伯敬立

憲司坊

肅憲坊

澄清坊

迎恩坊

節孝坊 在南街爲皇甫天湛妻劉氏立詳列女志

孝童坊 嘉慶十一年巡撫景題准建坊因經費不敷致未舉行

街巷

永泰街 縣前

十字街

長興街 東關內

濠渠街 東門外

壽安街 縣東迎恩坊

天門街 西關外

和豐街 縣西南

鍾慶街 縣西

牌樓街 縣南

修仁巷 武廟前

撮魚巷 東門外

永泰巷 街東通小東門

長興巷 東街西通蓮花巷

阜成巷 十字街

零溪巷 通小西門

葛家巷 通蓮花巷

魁公巷 通小西門

蓮花巷 縣左通北門

朝賀巷 南街北

南豐巷 南街南

水道巷 南街南北二巷

通真巷 縣西

遵義巷

宣徽巷

永淳巷

綏安巷

福寧巷 以上俱在西門外

九縣營街巷

福路街 正東門

高陞門 正西門

十字街 正南門

太平街 正北門

東門後街

西門後街

南門後街

北門後街

王字街

八寶街

東長街 東門外

興隆街 南門外

馬道街

安家巷

龍家巷

俞家巷

嚴家巷

鄒家巷

白衣巷

阮家巷

熊家巷

祝家巷

馬家巷

吳家巷

千歲巷

宗家巷

郎家巷

萬壽巷

前江市

永安渡

舖數十間

三義舖

俗名三義舖十餘間

柳林埠

舖數十間

團岩坡

舖十數間

岩泊渡

舖數十間

馬公渡

舖十餘間

黃泥礮

舖十餘間

余

舖

舖數十間

鐵

舖

舖十餘間

許家坊

溪

口

舖數十間

長

潭

陶家嘴

舖十餘間

元通庵

舖十餘間

挖斷岡

九都舖十餘間

西峪

舖十餘間

老鴉口

舖十餘間

聚總溪

舖十餘間

杜潭

東陽渡

舖數十間

茶林河

舖十數間

南嶽寺

舖數十間

龍潭河

舖數十間

景龍礮

舖數十間

廣福礮

舖十餘間

馮油舖

舖十餘間

後江市

邢家河

舖十餘間

通津舖

舖數十間

趙家舖

杉木礮

舖十餘間

象耳礮

舖數十間

江

埡

舖數十間

三官寺

舖十餘間

三家店

舖十餘間

人朝溪

舖十餘間

梯石

舖十餘間

大洞溪

舖十餘間

東嶽觀

舖數十間

蘇 百餘十箱間 大國殿 十餘十箱間 東嶽殿 十餘十箱間

三官寺 十餘十箱間 三寒古 十餘十箱間 人牌殿 十餘十箱間

沙木齋 十餘十箱間 鬼耳齋 十餘十箱間 武 十餘十箱間

祇寒回 十餘十箱間 戲筆齋 十餘十箱間 戲寒齋 十餘十箱間

戲以齋

黃齋齋 十餘十箱間 戲出齋 十餘十箱間

### 公署

朝廷設官各有其位即各有其署署位之表也居是位者誠靖共厥職則進思盡忠退思補過必有不自暇逸者而懸魚表潔封鮓明廉直堪希踪前哲豈曰君子攸躋君子攸芋漫以誇養尊處優之榮哉慈邑沿革靡常有時升而為郡為州有時降而為縣為衛隨代更置加以元明之季兵火屢經雖疊次修葺未極堂皇之觀而門阼堂奧完然具備前任者先勤創造後來者共圖補增將不以傳舍視之一任棟宇之朽壞在是矣志公署

縣署

隋開皇十八年更零陽縣名慈利縣仍舊治也不知何時遷永泰街元陞為州遷二十四都官塢坪明初降州為縣改遷大庸縣洪武九年知縣葉守禮奏復慈利縣永泰坊縣治或始於此建正堂露臺甬道戒石亭六房臨街為鼓樓 二十五年吳伯達增建 黃夢舟李軌吳世堅重建 隆慶三年知縣梁可大遷於二十四都官塢坪即慈姑州舊址 萬曆五年邑侯游春霖以河北遷復永泰街為堂幕戒石亭譙樓及縣丞主簿典史廨明季寇毀 國初賊尙伏莽官民患

之僑樓官家渚

康熙十二年邑侯萬叔堅建大堂

後堂儀門典史廨

二十二年李楫修增 乾隆二

年邑侯俞泰龍於堂左為銀庫儀門外為監獄

大堂三間

戒石亭三間

明成祖頒宋戒石銘令地

方官勤於大堂前覆以亭銘曰爾俸爾祿民膏民脂下民易虐上天難欺今亭如故匾已無存

二堂三間

左右共三間 申堂一間 兩旁小房四間

三堂三間

左右小房共四間

客亭三間

邑侯何燧建

官房五間

東樓房二間

小花亭三間

有序

廚房三間

西書房共三間

小房二間

大堂前建

上諭牌坊一座

乾隆二年奉 桑一篇並雍正元年

上頌諭督撫牧令勸課農 上諭守令愛民供

職一篇知縣俞泰 龍奉文敬書

庫房一間

客廳二間

東西吏胥房共十間

儀門三間

頭門三間

屏牆一座

監獄三間

女獄一間

福德祠 祀五通判官

靈官殿

俱在頭門內

申明旌善亭 今廢

縣丞署

官裁址在縣署左即今典史署

主簿署

官裁址在縣署儀門右

教諭署

在縣署右係 文廟舊基

正堂三間

申堂一間

官房三間

東西廂房共三間

書房三間

土地祠三間

頭門三間

屏牆一座

訓導署

在教諭署前道光十一年裁今改作零陽書院

正堂三間

串堂一間

官房五間

東西廂房各一間

頭門三間

屏牆一座

典史署

縣儀門左署內外多係金家誥修理

正廳三間

前有亭

東西科房共六間

三廳三間

客廳六間 旁有花園

書房三間

官房六間

廚房三間

二門三間

外左右門共四間 屏牆一座

駐防署

在南門內舊有屋四進各三間書房二間今俱朽壞僅存後房三間

布政司行署

在南街址失考 按察司行署 即今駐防署

府行署

在東門外址失考 接官廳 在零溪河邊碑址猶存

演武場

舊在官礮邑侯鄔璠以其地為義塚遂移於鷺塔東抵水溝西至石坡南抵民地石牆北

抵大河為界碑存南界牆邊一在放馬洲縣西關外河邊此洲為縣城保障近有射利之徒計圖開種一

經水漲勢必衝潰則城牆難保為害甚大是以請示永行禁止

九谿巡檢司署

在營城內東南乾隆三十二年由安福縣之新安市移九谿衛城巡檢朱

道濟建修五十五年巡檢朱鳳藻補修嘉慶十五年巡檢沈懷補修

大堂三間

串堂一間

二堂三間

東西廂房二間

官房三間 前有亭

花廳三間 前有石池

大堂東西科房土地祠差廳共六間

儀門三間

頭門三間

屏牆一座

九谿營公署

衛署創於洪武間衛堂一所在城內北邊糧通判署

在城內西北九永守備署在西南經歷司署在衛堂  
左學署在文廟右明末兵燹俱屬邱墟

國初守備胡自振鍾名鑑徐得奇屢次建修復被吳逆  
焚毀康熙十八年守備袁翹捐資修理乾隆五十七  
年遊擊李光榮嘉慶十六年遊擊蕭文作各詳請重  
修一次同治元年被水冲壞遊擊吉隆阿補修

遊擊署在營城西周圍四百六十弓南北一百二弓東西一百六弓

大堂三間

文卷房三間

二堂三間

前有八角亭石假山

三堂三間

內箭道一處

玉書軒三間

桂花亭二座

桂樹二株冬青一株

虎座門一間

座樓三間

裙房四間

儀門一座門樓三門

桅臺一座鼓蓬二座

東西轅門二座

石獅二座

甬壁一座

官廳二間

廚房三間

仙人廟二間土地祠二間大小堰二口

守備署

官裁址在營城內東因建修年久同治元年大水冲北閣營公建瓦屋三間為昭忠祠供奉出師陣亡官兵牌位餘地收租錢四千以作春秋祭祀之資

存城千總署

在營城內西乾隆三年公置楊姓之業嘉慶十三年千總周龍捐廉重修同治

元年河水冲圮三年經右哨千總石萬清重修

文卷房二間

頭門斗間

後草堂三間

園地一塊井一口

軍械局

在營城內西南康熙年間建修同治元年於水沖地遊擊吉隆阿率閣營官兵重修

瓦屋二進共六間

樓房三間

兩邊裙房共八間

火藥局

在城內西北康熙年間建修信藥鉛屋一進三間

廟三間祀旗纛尊神

前水田二坵載種八升取租供香燈及修補之資

小較場在遊府左前

康熙二十五年副將劉秉親價置廖姓之地

前亭一層

廳堂一進

耳房三間

甬壁一座

大較場在東門對岸洲上康熙年間副將郝爾德價

置乾隆五十三年河水沖壞

子場在城北門內東邊操屋一進三間

牧馬場在城北副將郝爾德詳准將北山東抵乾溝

西抵大河南抵城牆北抵大山分水嶺為界上作牧

馬之作下作軍民義塚立有碑記

